

付法藏因緣經卷第三

集三

後魏沙門吉迦夜共曇曜譯

尊者阿難以法付囑商那和修而告之曰世尊昔遊摩突羅國顧命我言於此國中當有長者名爲毘多集三其子號曰優波毘多於禪法

中最爲第一雖無相好化度如我我滅度後興大饒益其所教化無量衆生皆悉解脫得阿羅漢汝當於後度令出家若涅槃者付其法藏商那和修臨涅槃時告毘多曰佛以正法付大迦葉迦葉次付吾師阿難阿難以法囑累於我我當滅度以付於汝汝可精勤擁護世眼優波毘多唯然受教於是演暢無上妙法光宣正化濟諸群生其德淵廣難可限量過去久修無上勝行雖爲禽獸常化衆生摧伏外道建大法幢以慈悲雲普覆一切如

是功德今當略說昔婆伽婆在舍衛國給孤獨園優波毘多時爲尼乾名曰薩遮智慧淵妙議論絕倫深生貢高擅步天下銅鎧纏腹首戴盛火而作是言吾智盈滿恐出於外由是事故以鎧自纏世間晷闇無所覩見欲以光明照其盲冥聞佛世尊住舍衛國便欲造詣諍揃言辯有人語曰汝若見佛智當虧減光明自滅便至佛所白言瞿曇我欲出家智慧若與舍利弗等心則甘樂設不及者吾當還家世尊告曰假使汝積百千萬身欲望得及舍利弗者終無是處梵志聞已辭佛而退其去未久佛告衆會我滅度後滿一百年此人爾時得羅漢道三明六通具八解脫慧燭獨照廣化衆生其所度脫不可稱數衆會聞已生希有心又復尊者於過去世那由他劫

優留茶山有辟支佛與其同類五百人俱諸仙人衆亦住山側五百獼猴處在一面時獼猴王發生大信深修善本常採華果施辟支佛復於一時緣覺之衆端坐思惟入于三昧獼猴學之結跏趺坐後辟支佛俱入涅槃集三
二獼猴過華都無取相挽衣推排亦不動搖便知滅度深生悲惱向山一面見諸仙人修大苦行眠卧棘上翹足倒懸五熱炙身投巖赴火獼猴即時收其灰棘除棄糞土牽足令舒便於其前跏趺而坐仙人見之怪其若此尋學獼猴端坐繫念無師自覺成辟支佛便作是念今我得道由此獼猴即以香華而用供養時獼猴王優波鞠是爲畜生時尚能覺悟志甚黠慧利智辯才逮至商那和修欲付其法觀察麁多爲生子耶入定思惟知未出世與

諸比丘詣鞠多舍乃至漸少單已獨往鞠多家乃見隨耳鞠多復言吾樂世俗不能出家若後生子當相奉給商那和修答曰善哉後生一子名阿失波鞠多年漸長大往從索之鞠多答言唯有一子理無相與若更生者必相奉給後復生子名難陀鞠多便往從索答言尊者我今二子仰理生業小者守護大子聚斂家業如是可得大富以斯因緣不得相與若生第三然後奉給商那和修知其二子與道無緣亦不懸慇而往求索後生一子容貌端正即字名曰優波鞠多柔和善順性好慈愍聰慧辯才其心弘廣厥年十二巧於市易有來買者常多與之商那和修觀其生未知優波鞠出世已久即往其所而問之言汝

今入市爲當淨心不淨心耶優波瓈多言何名淨心不淨心乎答言若心與貪癡合名爲不淨若不與俱是則名淨漸以方便教令繫念若起惡心當下黑石設生善念下白石子即使如教攝念不敢善惡心起輒便投石初黑偏多白者尠少漸漸修習白黑正等至滿七日心轉純淨黑石都盡唯有白者商那和修作是念言今此善心皆已滿足遊觀時至可爲說法即爲宣說四聖真諦應時逮得須陁洹道時突羅城有一姪女名婆須達多諸邪媚妖幻軒詭遣使詣市求買妙華使人尋往優波瓈多所大得好華奉婆須達女怪華多問使人曰汝將不盜得是華耶使人答言我不盜得從市買之有人名曰優波瓈多仁慈寬慧性好平均以斯因緣得多華耳又復

此人形容姿麗大家若見死終無恨時婆須達遣人延召優波瓈多都不許可慇懃求請終不移操有長者子共姪女宿值有估客從遠方來大賚珍寶求女交通時彼女人貪其寶故殺長者子埋置舍內其家眷屬遍行推求至姪女舍掘地得之向其國王具陳斯事即取姪女斬截手足劓其耳鼻棄於塚間優波瓈多作是念曰彼以榮色本來召我以是因緣止而不去今爲解脫宜往化之即將侍者至姪女所婆須達言我本端妙顏容姿偉爾時相召不能臨顧今旣殘毀何用來爲答言姊妹我爲觀汝實相故來不爲欲也汝本以色誑惑衆生凡夫無智橫起倒想今自應當諦觀此色無常危脆猶如聚沫覆以薄皮外現嚴飾筋骨相連涕唾不淨譬如畫瓶盛

滿臭穢愚不覺知深生染愛智者了之終不樂著假以香華澡浴衣服外現莊嚴內實不淨大海淵廣可知滴數此身過患甚難窮盡是故諸佛恒常呵責未曾一念生願樂想姪女於時心漸開悟於佛法中深生敬信白言

仁者所說誠諦唯願爲我廣敷演之優波毀多即爲宣暢一切有爲衆苦積聚如癱如瘡如箭入心生老病死輪轉無際無常敗壞不堅速朽如臨死囚命不云遠譬如牢獄人無愛樂猶路上果衆所共擲此身可惡會歸磨滅烏鵲狐狸競共噉食風吹日曝青爛臭處髮毛爪齒狼藉在地如此之身豈可愛樂宜勤方便而求解脫姪女開解得法眼淨命終即生三十三天優波毀多因觀諸法苦空無常應時逮成阿那含果商那和修復詣毀多

集三

五

而告之言汝本有要期與我子今已成長與我可乎優波毀多性能市肆貪其若此復不肯與尊者語言佛記此人於百年後大作佛事饒益衆生汝可開心與我此子毀多聞已便聽出家商那和修將至僧坊度令出家與受具戒羯磨已訖得羅漢道三明六通具八解脫巧於言辭所演無盡心自念曰我於今者已覩法身未見如來相好之體思惟是已深生哀戀爾時有一老比丘尼年百二十曾見如來優波毀多知彼見佛欲至其所尋遣使者告比丘尼尊者毀多欲來相見時比丘尼即以一鉢盛滿中油置戶扇後優波毀多到其所止當入房時棄油數滴共相慰問然後就坐問言大姊世尊在時諸比丘輩威儀進止其事云何比丘尼言昔佛在世六群比

丘最爲麤暴雖入此房未曾遺我一滴之水大德今者智慧高勝世人號爲無相好佛然入吾房棄油數滴以是觀之佛在時人定爲奇妙優波鞠多聞是語已甚自悔責極懷慚愧比丘尼言大德不應自生恥恨如佛言曰我滅度後初日衆生勝二日者三日之人益復卑劣如是展轉福德衰耗愚癡闇鈍善法羸損況今大德去佛百年雖復爲作非威儀事正得其宜何足爲怪爾時鞠多而問之言姊見如來其事云何比丘尼曰昔佛在世我年二十始欲行嫁失一金釵墮深草中求之不得復以燈燭遍照推覓求之至疲了無髣髴正值如來遊行而過金光晃耀如百千日幽闇之處普皆大明微細諸物而悉顯現尋見我釵因即取之以斯緣故吾得見佛優波

鞠多聞是事已倍生悲戀歎未曾有商那和修即告之曰佛記於汝在百年後坐禪第一大化衆生今正是時宜作饒益令諸群生服甘露味優波鞠多言唯然受教於摩突國雲集衆會如半月坐而爲說法所謂施論戒論生天之論欲爲不淨出要最善魔王波旬便生愁怖而作是念優波鞠多大集衆會必當教令出吾境界我今當往壞其衆意於說法時雨真金寶或雨華瓔光色明淨化作白象七寶莊嚴現爲女人端正奇特舉會觀視無聽法心於三日中演深法味乃至無有一人得道魔王歡喜深自慶幸優波鞠多即入三昧觀察思惟是誰所作魔王復以真珠花瓔著其頸上尊者即觀知魔所爲便作是念惡魔妬弊壞亂正法如來何故而不調伏即觀佛

心使已化之便以三屍謂蛇狗人化作華鬘
感魔令至而謂之曰汝與我鬢深感厚施今
還以此用相酬隧道魔大歡喜舒頸受之至其
頸已還見死屍蟲蛆欲出臭爛難近魔見是
事深生厭惡語優波瓈汝今云何以斯死屍

集三

七

繫吾頸耶尊者答言比丘不應華鬘莊嚴汝
以邪惡爲我著之今還爲汝著臭死屍正得
其宜不應瞋恨魔以神力欲去此屍如須彌
山不可移動生大瞋恚踊身虛空向諸天衆
求解死屍諸天皆言此是大聖之所爲作吾
等庸劣豈能除去復詣梵王求脫屍縛梵王
答言十力弟子所作神力吾今凡陋豈能解
之假使劫燒旋藍猛風不能得脫此死屍縛
寧以藕絲懸須彌山欲脫此屍無有是處如
因地倒還扶而起汝若歸依優波瓈多此死

屍縛容可得解爾時波旬受梵王教除憍慢
心深生敬信往尊者所五體投地白言大德
佛初成道坐樹王下我率官屬而往逼燒從
是惱亂不可稱數未一惡言而見輕辱大悲
淵廣如須彌山汝阿羅漢少慈忍力於天人
前而見凌毀優波瓈多答言波旬汝大愚癡
無有智慧以聲聞人用比如來欲以芥子等
須彌山螢燭之光齊暉日月牛跡之水同大
海量如來大悲二乘所無以是緣故不相加
報今我狹劣少悲忍心由斯因緣故相毀辱
又復如來欲使我後降伏於汝汝因斯故敬
信於佛由此善心不墮三惡洗滌塵勞破諸
罪業魔聞是已生大歡喜舉身毛豎生希有
心白言仁者我由汝故起敬信心汝便於我
作大饒益今可見爲解是三屍尊者答言汝

於正法更莫燒害然後乃當爲汝解之魔言受教尊者又言我不得見如來色身汝昔曾覩宜爲我現魔言仁者我現佛身勿爲吾禮優波鞠言當如所說即便爲解三種死屍魔入林中變形如佛三十二相八十種好容貌集三奇特如融金聚光明照耀儀相安詳化爲比丘前後圍遶若鵝王趨從林而出優波鞠多見便歡喜一心觀察而說偈言

咄哉無常無悲愍心能壞如是上妙色身優波鞠多一心瞻仰目不暫捨內懷踊躍說

偈讚曰

快哉清淨業能成是妙果非自在天生亦非無因作面如紫金色目淨如青蓮端正超日月奇妙勝華林湛然若大海不動如須彌安步猶師子顧視同牛王

無量百千劫淨修身口意以是故獲得如此殊妙身怨見尚歡喜況我不欣慶優波鞠多說是偈已觀佛心至不覺爲禮魔言仁者何故如此答言波旬我知世尊久已滅度見此容貌若似覩佛歡喜內發是故禮耳魔服本形歸還天上於第四日魔更來下以大音聲普告一切諸仁者欲得富樂生人天中欲求涅槃第一安隱不見如來大悲說法悉當往詣優波鞠所聽受妙法至心修行時突摩羅城男女大小聞於尊者摧伏惡魔百千萬人皆共雲集優波鞠多上師子座隨其所應說種種法百千衆生得須陀洹道萬八千人成阿羅漢從是已後所化無量爲阿恕伽王興大饒益彼王功德深遠超勝於三寶所得不壞信以善緣故得斯勝果昔佛住

在迦蘭陀林日時已到將諸比丘入城乞食
於其路次見二童子一名德勝二名無勝以
土造作城舍倉庫因復名爲稻粟麻麥即共
聚斂置於倉內如來光明皆悉照耀同作金
色無不清徹德勝歡喜掬少沙土奉獻如來
其身卑小不能得及無勝低跪令土奉之於
是世尊即便微笑爾時阿難尋白佛言如來
何緣現斯笑耶佛告阿難汝今見是二童子
不唯然已見此童子者我百年後爲轉輪王
四分之一於華氏城正法治世分我舍利處
處流布造作八萬四千寶塔即以此土授與
阿難塗房四壁足得周遍於百年後果得爲
王暴虐無道多所殺害造作獄城外可愛樂
令一惡人名曰耆黎立大鑊湯鐵丸刀劍如
是等事種種備足外來入者皆悉治罪有長

者子出家爲道遊行乞食入愛樂獄尋欲還
出耆黎止之即便舉聲而大啼哭獄卒問曰
何故若此比丘答言我不畏死爲善利耳吾
始出家未證道味人身難得佛法難遇今我
值之而空受死思惟是事故大悲泣耆黎答
言王先有教入此獄者終不聽出比丘復言
我今定死願赦七日當就刑戮爾時獄卒尋
聽許之阿恕伽王宮中妓女與他男子共相
調戲王大瞋怒付獄治罪尋以鐵杵碎之如
塵骨肉分散猶如聚沫比丘觀已深生厭惡
集三
即便歎曰信哉大悲所言誠諦說色無常譬
如泡談不堅速朽甚難久保先此女人顏容
敷悅今更求之將安所在人命虛偽無可守
護尊貴貧賤愚智不同生雖差別等有斯死
譬如百川泉源各異未有一流不入大海人

亦如是同趣死處爲業長短受生脩促未幾
時間會亦歸滅此身臭穢不淨可惡薄皮覆
蔽妄生愛想不觀其內種種過惡怪哉生死
嬰愚所樂非是賢聖遊心味著如是觀察從
夜至旦便斷衆結得須陀洹轉復精勤獲羅
漢道滿七日已耆梨語言汝期今至可就刑
戮比丘答曰我夜已過我日已出所作已辦
隨汝治罪耆梨瞋恚置鑊煮之燄熱猛盛轉
更清涼怪其若此至鑊而觀見鑊中生千葉
蓮華時彼比丘跏趺坐上爾時耆梨尋往白
王王將眷屬而來觀之於是比丘踊身虛空
作十八變王見斯事歎未曾有而作是言我
等今者同稟人形威德奇妙差別乃爾吾今
未達唯願宣說爾時比丘欲化彼王即作是
言我斷衆結解脫三有離諸動亂寂然安樂

大王當知佛記於汝百年之後王華氏城分
布舍利廣建寶塔汝今云何返造斯惡殘害
衆生無悲愍心王今應當滿足佛意施與衆
生無畏之樂王聞是已極自悔責歸依三寶
生敬信心收集如來功德舍利造作八萬四
千寶塔作塔已訖至雞頭末寺合掌而問上
座耶舍此閻浮提頗有如我受記者不耶舍
答曰佛記尊者優波鞠多於百年後興大饒
益王復問言彼清淨人出世未也答言大王
久已生世得羅漢道於憂陀山圍遶說法王
即嚴駕欲往禮觀尋遣使者白言大聖阿恕
伽王欲來問訊尊者念言此處隘陋不容多
人我今宜應躬自往彼即便嚴備向華氏城
王聞歡喜掃治巷路燒香散華作衆娛樂尋
與群臣出迎尊者當見之時五體投地至心

瞻仰目不暫捨白言大聖我得爲王自在快樂不如今日一相覩見心大歡喜而說偈言佛雖入寂定尊今補處生今應見教勑我當隨順學

於是尊者手摩王頂以偈答曰

謹慎恐怖莫放逸王位富貴難可保一切皆當歸還滅世間無有常住者三寶難遭汝今遇恒當供養莫休廢爾時阿恕伽王即請尊者入於宮內安置寶座自扶而上白言大聖佛所遊方行住之處悉欲起塔增長衆信尊者讚言善哉善哉我今當往盡示王處即嚴四兵便共發引向林微尼園示佛生處乃至復詣拘尸那城化緣訖已入涅槃處王聞是語悶絕躰地冷水灑面方乃惺悟於是諸處悉皆起塔施百千兩

集三

金然後乃去復更示王舍利弗等五百羅漢功德之塔王皆禮拜施金供養最後往至薄拘羅塔王言此塔有何功德答曰大王佛記此人無諸衰病乃於過去九十一劫毗婆尸佛滅度之後時薄拘羅依一寺住見諸豪貴來供衆僧尊者爾時醉酒而卧心自念言我既貧乏當何以施吾今正有一訶梨勒衆僧若有病患之者可以施之用療其疾即便鳴椎白言施藥時有比丘甚患頭痛向知藥人索訶梨勒知藥者言有人施藥汝可取服爾時比丘往彼取藥服之以訶病尋除愈由是緣故九十一劫生人天中未曾有病最後生一婆羅門家其母早終父更娉妻時薄拘羅年在童幼見母作餅而從索之後母妬弊素懷憎惡即便擲置餅爐之中其火燄熾以鋟

覆上父從外來遍求推覓即於爐中而得其子後於一時母復煮肉而是小兒便從往索母益瞋恚擲置釜中湯甚沸熱而不燒爛父復求覓了不能得而作是言我子今者爲何所在時薄拘羅釜中而應父即出之平全如

集三

十一

故母於後時至一河上彼薄拘羅牽衣隨後

母大瞋忿而作是言此何鬼魅妖祥之物雖復燒煮不能令死即便舉之擲著河中值一大魚尋便吞食以福緣故猶復不死有捕魚師釣得此魚持來詣市而銜賣之索價既多

今傷我遂開魚腹抱而出之年漸長大就佛出家得羅漢道具諸功德年百六十未曾有病乃至無有身熱頭痛少欲知足常樂閑靜未曾教人一四句偈王聞是已遣持一錢布施此塔輔相白王同是羅漢云何獨以一錢用施王語臣曰以其自度不能化人塔神不受還授與王輔相言曰真是少欲乃至一錢尚不欲受況其多乎如是五百大阿羅漢皆有本緣略而不說阿恕伽王供養如來聲聞塔竟歡喜合掌而說偈言

人無買者從旦至暮將欲臭爛薄拘羅父於市遊行見此大魚便作是念今斯魚者其肉甚多將欲臭壞索價無幾我今宜可買而持歸便與其錢取魚還家即以利刀開破其腹時薄拘羅在魚腹內高聲唱言願父安詳勿

提樹二當建立般遮于瑟即自洗浴著新淨衣上高樓上四方頂禮而作是言願諸聖士皆受吾請立語已訖十方羅漢飛空而來三道聖人凡二十萬亦悉雲集留上座處無敢坐者王問衆僧何故留此空坐處耶耶舍答

集三

十四

曰有大羅漢名賓頭盧如來所記能師子吼威德高勝今當來此王聞是已身毛皆豎如優鉢羅華初始開敷即便合掌瞻仰而待時賓頭盧與諸羅漢如鵝王飛從空而下一切衆會皆起恭敬王見尊者眉髮秀自身體相好如辟支佛即爲作禮五體投地問言大聖見如來不答曰曾見色若金聚面如滿月三十二相莊嚴其身梵音深妙大悲窟宅王又問言於何處見尊者答曰在王舍城夏安居時我在其中見勝福田乃至汝昔以土施佛

佛記汝時我亦得見爾時彼王以國所有妻子眷屬金銀瑠璃牛羊田宅及自己身宮人姝女盡施衆僧請稱其名造船遮于瑟灌菩提樹後自斟酌爲僧行食時賓頭盧用酥澆飯阿恕伽王白言大聖酥性難消能不爲疾尊者答曰不爲患也何以故佛在時水與今酥等是故食之終不成病爾時尊者欲驗斯事伸手入地下至四萬二千餘里即取地肥而示於王王今當知衆生薄福肥膩之味皆流入地是故世間福轉衰減正供養已歡喜而退王有一弟集三名宿駄吒邪見熾盛憎惡沙門王以方便令改邪心應時出家得羅漢道後爲一羣之所殺害時衆疑問優波鞠多以何緣故彼宿駄吒生處豪貴爲羣所殺尊者答言善聽當說過去久遠迦葉佛時曾供衆

僧由斯福故生生常處尊榮富貴又過去世
作一獵師張布羅網不得禽鳥見辟支佛心
生瞋恨即以利劍用斬其首由此業故墮大
地獄生常爲人之所殺害雖得道果猶被苦
毒

付法藏因緣經卷第三

音釋

翹	居六切	牒	葉音	捲	訖岳切	翹	祁堯切	翹	祁堯切
也	也	劓	倪制切	詰	校也切	也	堯也切	也	堯也切
也	也	剗	刑也切	也	也	也	也	也	也
奉	奉	居六切	物	物	物	物	物	物	物
物	物	兩切	也	也	也	也	也	也	也
也	也	鋟	易魚切	也	也	也	也	也	也
餅	餅	魚到切	也	也	也	也	也	也	也
鑿	鑿	到也切	也	也	也	也	也	也	也
金	金	扶徐切	也	也	也	也	也	也	也
鎔	鎔	扶徐切	也	也	也	也	也	也	也
屬	屬	古切	醉	醉	醉	醉	醉	醉	醉
切	切	切	蛆	蛆	蛆	蛆	蛆	蛆	蛆
銜	銜	子余切	也	也	也	也	也	也	也
絹	絹	蟲典切	也	也	也	也	也	也	也